

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10), razmatrajući Federalni Prednacrt Zakona o zaštiti porodice sa djecom, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 123. sjednici, održanoj dana 06.09.2013. godine, d o n o s i

## ZAKLJUČAK

### I.

Prihvata se mišljenje Ministarstva za rad, socijalnu politiku i izbjeglice o Prednacrtu Zakona o zaštiti porodice sa djecom, dostavljen od strane Federalnog ministarstva rada i socijalne politike.

### II.

Izjašnjenje Vlade o inicijativi iz tačke I. ovog zaključka upućuje se Skupštini Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_ /13.

Datum, 06.09.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Federalno ministarstvo rada i socijalne politike (putem Ministarstva),
- 1x Predsjedavajućem Skupštine Zeničko-dobojskog kantona,
- 1x Stručna služba Vlade,
- 1x a/a.



**ZENIČKO-DOBOJSKI KANTON**  
**VLADA**  
**n/r Premijera**  
**n/r Sekretara**

Broj: 09-02-14391-1/13  
Zenica, 26.08.2013. godine

**PREDMET: Mišljenje na Prednacrt Zakona o zaštiti porodice sa djecom, dostavlja se**

Uz aktom broj:05-02/1-1846/13 od 28.06.2013. godine, Federalno ministarstvo rada i socijalne politike je dostavilo prednacrt Zakona o zaštiti porodice sa djecom (u daljem tekstu: Prednacrt zakona), te zatražilo mišljenje i saglasnost na Prednacrt zakona.

Nakon razmatranja dostavljenog Prednacrt zakona, Ministarstvo za rad, socijalnu politiku i izbjeglice daje:

**MIŠLJENJE**

U principu Zeničko-dobojski kanton podržava donošenje ovog Zakona na federalnom nivou, jer predstavlja relevantan temelj za zaštitu i ujednačenost u ostvarivanju određenih osnovnih prava porodice sa djecom na cijeloj teritoriji Federacije BiH.

Generalna primjedba se odnosi na predloženi način finansiranja u članu 39. Prednacrt zakona – Osnovnih prava porodice sa djecom, koja su utvrđena u članu 9. Prednacrt zakona. Naime, predložena formula da se pravo na dječiji dodatak, naknada plaće porodilji u radnom odnosu, novčana naknada plaće za polovinu punog radnog vremena, novčana pomoć porodilji koja nije u radnom odnosu, i novčana pomoć za opremu novorođenog djeteta finansiraju u omjeru 50 % iz federalnog budžeta i 50 % iz kantonalnog budžeta neće u praksi biti niti funkcionalna niti će biti od koristi krajnjim korisnicima prava. Ovo ističemo, s obzirom da je poznata stvar o stanju u kantonalnim budžetima, jer ćemo opet doći u situaciju da ostvarivanje navedenih socijalnih prava u punom obimu zavisi od ekonomske moći kantona. Kao što se već u praksi pokazalo finansiranje prava civilnih žrtava rata, izvršava se samo u omjeru od 70% što je obaveza iz federalnog budžeta, a dio od 30% iz kantonalnih budžeta uglavnom kasni sa isplatom. Kako bi se ova situacija prevazišla Ministarstvo za rad, socijalnu politiku i izbjeglice je stajališta da se i ovaj put ide ka postepenom razvoju uređivanja ove oblasti, i to tako da se odmah uredi finansiranje nekih od navedenih prava, u 100% iznosu iz federalnog budžeta, a ostala prava, također u 100% iznosu, iz kantonalnih budžeta.

Predlažemo da se iz federalnog budžeta u 100% iznosu finansira:

- pravo na dječiji dodatak i
- prava nezaposlenih porodilja (novčana pomoć porodilji nezaposlenoj, jednokratana pomoć za opremu novorođenog djeteta i pomoć u prehrani djeteta do šest mjeseci i dodatna ishrana dojilje).

Druga generalna primjedba odnosi se na pravo na naknadu zaposlenoj porodilji i dalje bude jedno od prava prava zaštite porodice sa djecom. Radi se o zajedničkom prijedlogu svih kantona i predstavnika centara za socijalni rad iznešenom na radionici od 25.04.2013. godine da se navedeno pravo iz ovog zakona izmjesti u Zakon o zdravstvenom osiguranju, obzirom da se radi o ženama-majkama koje se nalaze na u radnom odnosu, odnosno pravu iz radnog odnosa, za koje je poslodavac uplaćivao doprinose i prije porođaja. Slijedom nevedenog, predlažemo da se briše tačka b) člana 9. i članovi 19.- 23. Prednacrta zakona. Naime, u Zeničko-dobojskom kantonu za ovo prava se sada izdvaja 1/3 Budžeta ovog Ministarstva što znatno utiče na finansiranje drugih prava iz socijalne zaštite i zaštite porodice sa djecom, a slična je situacija i u drugim kantonima.

Treća generalna primjedba odnosi se na neusklađenost termina-naziva prava iz ovog Prednacrta zakona sa pravima u dostavljenom Prijedlogu zakona o osnovama socijalne zaštite, npr. u ovom Prednacrta pravo je nazvano: socijalna novčana pomoć, a u Prijedlogu zakona o osnovama socijalne zaštite ima termin: materijalno obezbjeđenje, zatim pravo u ovom Prednacrta ima naziv dodatak za njegu i pomoć drugog lica a u Prijedlogu zakona o osnovama socijalne zaštite ima termin: dodatak za podršku i njegu drugog lica, i sl.

Četvrta generalna primjedba jeste neusklađenost starosne granice za ostvarivanje prava učenika koji su na redovnom školovanju, tj. u Prijedlogu zakona o osnovama socijalne zaštite određena je dobna starost od navršениh 25 godina, a u ovom Prednacrta do navršениh 26 godina života.

Primjedbe i prijedlozi na konkretne članove prednacrta:

- Član 13. riječ „četvrto“ zamijeniti riječima „svako sljedeće“
- Član 31. stav (2) – predlažemo da se briše. Naime, predloženo mjesečno naturalno davanje u prehrambenim proizvodima na ime pomoći u prehrani djeteta podrazumijeva provođenje postupka prema Zakonu o javnoj nabavi.
- Član 38. iza riječi kantona potrebno je dodati riječi „iz oblasti finansija“.
- Član 39. stav (4) – kojim je predviđeno da se samo isplata prava koja se sufinansiraju iz federalnog budžeta može korigovati isplatnim koeficijentom, nije dovoljno uređena, nego smatramo da isti odnos treba propisati i za isplatu prava koja se finansiraju iz kantonalnog budžeta.
- Član 42. dopuniti iza riječi općinski organ uprave sa riječima „ili centar za socijalni rad“. Navedeno iz razloga što u većini kantona ove poslove obavljaju centri za socijalni rad.

Da bi se na Vladi i Skupštini Zeničko-dobojskog kantona moglo raspravljati o saglasnosti na Prednacrt zakona, potrebna je određena finansijska analiza na federalnom nivou za provođenje ovog Zakona, zašto smo spremni pružiti podatke za naš Kanton.

**MINISTAR**

**Ivica Ćurić**

**Dostavljeno:**

1x Naslov

1x a/a